

Izjava o postupanju i zaštiti ličnih podataka koji se prikupljaju u okviru UNIGEM projekta

CREDI centar je angažovan da provede kvantitativno istraživanje koje će obuhvatiti pregled rodni politika u Bosni i Hercegovini, Crnoj Gori, Hrvatskoj i Srbiji, mjere koje su fokusirane na zaštitu rodne ravnopravnosti, percepcije i stavove o rodnoj ravnopravnosti i seksualnom uznemiravanju, kao i poznavanju pojmova relevantnih za ove oblasti. Istraživanje o rodni pitanjima provest će se među nastavnicima/nastavnicama, studentima/studenticama i administrativnim osobljem na 18 partnerskih univerziteta u navedene četiri zemlje, a koordinator projekta je TPO fondacija. Ovom izjavom CREDI centar se obavezuje da će sa podacima prikupljenim u svrhe UNIGEM projekta postupati prema sljedećim pravilima:

- CREDI centar se obavezuje da će u okviru ovog projekta postupati prema svim pravnim i etičkim procedurama o zaštiti ličnih podataka prikupljenih ili otkrivenih od strane njegovih zaposlenika.
- Učešće u ovom istraživanju u potpunosti je dobrovoljno, te se prikupljanje, obrada i pohrana podataka provode uz pristanak svakog ispitanika.
- Pristup podacima koji se prikupljaju u okviru ovog projekta imat će isključivo zaposlenici CREDI centra i bit će dijeljeni samo sa istraživačkim timom TPO fondacije.
- CREDI centar koristi naprednu verziju QuestionPro softvera za programiranje online anketa čime možemo garantovati zaštitu i sigurnost podataka na internetu. Ovaj softver je u potpunosti usklađen sa Općim odredbama zaštite ličnih podataka (GDPR), posjeduje globalno priznati certifikat ISO 27001:2013 za sigurnost i upravljanje informacijama.¹
- Svi prikupljeni podaci bit će analizirani i korišteni isključivo u istraživačke svrhe.
- Prikupljeni podaci će za potrebe analize i pohranjivanja biti anonimizirani, uklanjajući na taj način poveznice sa stvarnim osobama i osiguravajući da na osnovu analiziranih podataka i objavljenih rezultata neće biti moguće izvršiti identifikaciju bilo kojeg ispitanika
- Ispitanici imaju pravo da mijenjaju ili brišu svoje lične podatke koje su ostavili u anketi. To mogu učiniti kontaktiranjem i slanjem zahtjeva CREDI centru elektronskim putem, a CREDI centar se obavezuje da će na takve zahtjeve odgovoriti u razumnom roku uzimajući u obzir prava ispitanika. CREDI ima pravo koristiti prikupljene podatke ali će ih ukloniti prilikom prvog zahtjeva za to.

Opća pravila i principi rada sa podacima CREDI centra nalaze se u prilogu ovog pisma.


Amina Tabaković Oruč, izvršna direktorica CREDI centra



Sarajevo, 21.10.2024.

¹ Više o politici i pravilima privatnosti QuestionPro alata možete pronaći na linku:
<https://www.questionpro.com/security/>

Opća pravila i principi rada s podacima CREDI centra

- CREDI centar je partner CESSDA-ERIC europske mreže arhiva podataka i koordinirajući partner DASS-BiH² mreže unutar koje zajednički sa partnerskim univerzitetima nastoji obezbijediti dugoročno čuvanje i diseminaciju podataka istraživanja društvenih nauka. CREDI centar obavezuje se da sve podatke prikuplja i pohranjuje na povjerljiv i siguran način, poštujući sve etičke i pravne kodekse u svrhu otklanjanja svakog potencijalnog rizika otkrivanja podataka.
- CREDI se vodi svim relevantnim etičkim kodeksima istraživačke zajednice društvenih nauka. Pravna osnova zaštite subjekata koji učestvuju u istraživanjima koja provodi CREDI nalazi se u Zakonu o zaštiti ličnih podataka BiH³ (Službeni Glasnik BiH br. 49/06, 76/11 i 89/11) i Općim odredbama zaštite ličnih podataka (GDPR)⁴.
- Postupkom anonimiziranja podataka, osiguravamo da je svaka mogućnost povezivanja podataka sa stvarnim subjektima uništena, te da na osnovu objavljenih rezultata nije moguće izvršiti identifikaciju bilo kojeg ispitanika.
- Svi zaposlenici CREDI centra i DASS-BiH arhiva obučeni su i osposobljeni za rad i postupanje sa ličnim podacima. Svaki zaposlenik potpisuje izjavu o povjerljivosti prije nego što može pristupiti podacima i radu sa njima. Ova izjava sadrži opis mjera koje se primjenjuju u slučaju kršenja povjerljivosti i etičkih načela a posljedica je raskid ugovora o radu i pokretanje pravnih postupaka protiv te osobe.
- CREDI centar održava odgovarajuće sigurnosne mjere - fizičke, tehničke, administrativne, elektronske i proceduralne za zaštitu od neovlaštenog, slučajnog ili nezakonitog pristupa, prikupljanja, pohrane, izmjene ili otkrivanja podataka pod njegovom kontrolom.

² <https://dass.credi.ba/>

³ https://fzs.ba/wp-content/uploads/2016/06/zakon_podaci.pdf

⁴ <https://gdpr-info.eu/>